


Casi 60% di negoshi encuesta ta anticipa un crecimiento economico positivo den e siguiente 12 lunanan.

Comunicado di prensa¹

Banco Central di Aruba (BCA) a conclui e encuesta di percepcion di negoshi pa e di segundo trimester di 2024. E encuesta di percepcion di negoshi ta evalua e percepcion economico di e negoshinan local.

E asina yama 'Business Perception Index', cu ta consisti di e indicenan di condicion economico actual y condicion economico a corto plaso, a crece for di 106,7 den e prome trimester di 2024 te na 107,4 den e di segundo trimester di 2024 (mira Grafico 1)².

Grafico 1: 'Business Perception Index'.




Fuente: Banco Central di Aruba

E resultado aki ta debi na un crecimiento den e Indice di Condicion Economico actual di 2,1 punto di indice te na 107,3 den e di segundo trimester di 2024. Tanto, e Indice di Condicion Economico a corto plaso a baha cu 1,2 punto di indice te na 107,6 den e di segundo trimester di 2024 (mira Grafico 2).

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan


Grafico 2: Resultado di Condicion Economico actual y Condicion Economico a corto plaso durante e di segundo trimester di 2024.



Fuente: Banco Central di Aruba

Den termino di expectativa relata na crecimiento economico casi 60% (58,3%) di negoshi encuesta ta anticipa un crecimiento economico positivo den e siguiente 12 luna (mira Grafico 3).

Grafico 3: Expectativa di crecimiento economico den e siguiente 12 luna



Fuente: Banco Central di Aruba



CENTRALE BANK VAN ARUBA

Durante e di segundo trimester di 2024, e porcentahe di negoshi encuesta indicando “ningun” cambio den empleo a baha cu 15,4 punto di porcentahe te na 33,3%. E porcentahe di negoshi encuesta cu a raporta un ganashi a baha cu 6,4 punto di porcentahe te na 83,3%, mientras e porcentahe di negoshi encuesta indicando “empeoramento” den e condicion economico actual di inversion a subi cu 6,0 punto di porcentahe te na 11,1% den e di segundo trimester di 2024. Encuanto condicion economico a largo plaso pa e siguiente 12 lunanan, 38,9% ta anticipa cu e tasa di inflacion lo varia entre 2% y 3% den e di segundo trimester di 2024.

E relato completo di e encuesta di percepcion di negoshi ta disponibel ariba website di BCA www.cbaruba.org

Banco Central di Aruba

9 october 2024



CENTRALE BANK VAN ARUBA

Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solididad y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante Banco Central di Aruba, por bishita su website www.cbaruba.org
